

金刚般若疏 科判

姚秦三藏法师鸠摩罗什 译经 胡吉藏法师 撰疏

释道净 整理 宗超 供稿 20240728 2 稿 微信 qq 973451196 校对 禁止商用篡改 法律责任必究

表 0: (1 表) 总表

(原文及校对参考 2013 年版《金刚经梵藏汉经论宝鬘》)

科判															
此中分二	甲一九重玄义分九		乙一序说经意		乙二明部僥多少				乙三辨开合		乙四明前后				
			乙五辨经宗		乙六辨经题		乙七明传译		乙八明应验		乙九释章段				
	乙一序分分二（表1）							丙一通序							
								丙二别序							
	丁一述赞正问（表2）														
	戊一略许（表3）														
			己一明般若体门分二（表4）		庚一明因门分二		辛二答修行降问分三		辛一答住问						
	壬一正明无住相以修行分二								癸一正答修行问						
	壬二明得无所得果								癸二答降伏心问						
	壬三结劝														
					庚二辨果门										
			己二明信受门分二（表5）		庚二如来回答分二		辛二明有信答分七		庚一善吉发问						
	辛一遮无答														
	壬一明信之时节														
	壬二明能信之人														
壬三明所信之法															
壬四正出信心															
壬五明信之所由															
壬六明信之利益															
		壬七广释信义分三							癸一明得						
									癸二明失						
				癸三劝舍失从得											
		己三明格量门分三（表6）		庚一举外施格量分二		辛二释成格量优劣之意分二		辛一正举外施格量							
壬一举小乘因果释成格量之义								癸一举大乘因释成前义							
壬二举大乘因果释格量之义分二								癸二举大乘果释成前义							
				庚二举内施格量分二		辛二领解释疑分二		壬一领解分二		癸一领解分四		子一自领解			
子二明他领解															
子三明自领解为易															
子四明他领解为难															
								癸二佛述成							
								壬二释疑							
								庚三举释迦往因格量							
丙二二周略说般若分十五章（表7）		丁一初章				丁二第二章				丁三第三章					
		丁四第四章				丁五第五章				丁六第六章					
		丁七第七章				丁八第八章				丁九第九章					
		丁十第十章				丁十一第十一章				丁十二第十二章					
		丁十三第十三章				丁十四第十四章				丁十五第十五章					
乙三流通分（表8）															

表 1: (1 表) 乙一序分分二

科判		经文
乙一 序分 分二	丙一通序	如是我闻。一时，佛在舍卫国祇树给孤独园，与大比丘众千二百五十人俱。
	丙二别序	尔时，世尊食时，着衣持钵，入舍卫大城乞食。 于其城中，次第乞已，还至本处。 饭食訖，收衣钵，洗足已，敷座而坐。

表 2: (1 表) 丁一述赞正问

科判	经文
丁一述赞正问	时，长老须菩提在大众中即从座起，偏袒右肩，右膝着地，合掌恭敬而白佛言： 「希有！世尊！如来善护念诸菩萨，善付嘱诸菩萨。 世尊！善男子、善女人，发阿耨多罗三藐三菩提心，应云何住？ 云何降伏其心？」

表 3: (1 表) 戊一略许

科判	经文
戊一略许	佛言：「善哉，善哉。须菩提！如汝所说：如来善护念诸菩萨，善付嘱诸菩萨，汝今谛听！当为汝说：善男子、善女人，发阿耨多罗三藐三菩提心，应如是住，如是降伏其心。」 「唯然。世尊！愿乐欲闻。」

表 4: (1 表) 己一明般若体门分二

科判				经文	
己一明般若体门分二	庚一明因门分二	辛一答住问		佛告须菩提：「诸菩萨摩诃萨应如是降伏其心！ 所有一切众生之类：若卵生、若胎生、若湿生、 若化生； 若有色、若无色；若有想、若无想、若非有想非 无想，我皆令入无余涅槃而灭度之。 如是灭度无量无数无边众生，实无众生得灭度者。 何以故？ 须菩提！若菩萨有我相、人相、众生相、寿者相， 即非菩萨。」	
		辛二答修行降问分三	壬一正明无 住相以修行 分二	癸一正答修行问	「复次，须菩提！菩萨于法，应无所住，行于布 施，所谓不住色布施，不住声香味触法布施。」
				癸二答降伏心问	须菩提！菩萨应如是布施，不住于相。
			壬二明得无所得果		何以故？若菩萨不住相布施，其福德不可思量。」 「须菩提！于意云何？东方虚空可思量不？」 「不也，世尊！」 「须菩提！南西北方四维上下虚空可思量不？」 「不也，世尊！」 「须菩提！菩萨无住相布施，福德亦复如是不可 思量。」
			壬三结劝		「须菩提！菩萨但应如所教住。」 「须菩提！于意云何？可以身相见如来不？」 「不也，世尊！不可以身相得见如来。何以故？ 如来所说身相，即非身相。」 佛告须菩提：「凡所有相，皆是虚妄。若见诸相非 相，则见如来。」
		庚二辨果门			

表 5：（1 表）已二明信受门分二

科判			经文
已二明信受门分二	庚一善吉发问		须菩提白佛言：「世尊！颇有众生，得闻如是言说章句，生实信不？」
	庚二如来回答分二	辛一遮无答	佛告须菩提：「莫作是说。
		壬二明有信答分七	如来灭后，后五百岁。
			有持戒修福者。
			于此章句。
			能生信心，以此为实。
			当知是人不少于一佛二佛三四五佛而种善根，已于无量千万佛所种诸善根。
			闻是章句，乃至一念生净信者。
			须菩提！如来悉知悉见，是诸众生得如是无量福德。
	壬七广释信义分三	癸一明得	何以故？是诸众生无复我相、人相、众生相、寿者相。无法相，亦无法相。
		癸二明失	何以故？是诸众生若心取相，则为着我人众生寿者。若取法相，即着我人众生寿者。何以故？若取非法相，即着我人众生寿者，
		癸三劝舍失从得	是故不应取法，不应取非法。以是义故，如来常说：汝等比丘，知我说法，如筏喻者，法尚应舍，何况非法。须菩提！于意云何？如来得阿耨多罗三藐三菩提耶？如来有所说法耶？」 须菩提言：「如我解佛所说义，无有定法名阿耨多罗三藐三菩提，亦无有定法，如来可说。何以故？如来所说法，皆不可取、不可说、非法、非非法。所以者何？一切贤圣，皆以无为法而有差别。」

表 6-1：（3 表）已三明格量门分三

科判			经文
已三明格量门分三	庚一举例外施格量分二	辛一正举外施格量	「须菩提！于意云何？若人满三千大千世界七宝以用布施，是人所得福德，宁为多不？」 须菩提言：「甚多，世尊！何以故？是福德即非福德性，是故如来说福德多。」 「若复有人，于此经中受持，乃至四句偈等，为他人说，其福胜彼。何以故？须菩提！一切诸佛，及诸佛阿耨多罗三藐三菩提法，皆从此经出。须菩提！所谓佛法者，即非佛法。」
		辛二释成格量优劣之意分二	「须菩提！于意云何？须陀洹能作是念：『我得须陀洹果』不？」 须菩提言：「不也，世尊！何以故？须陀洹名为入流，而无所入，不入色声香味触法，是名须陀洹。」 「须菩提！于意云何？斯陀含能作是念：『我得斯陀含果』不？」 须菩提言：「不也，世尊！何以故？斯陀含名一往来，而实无往来，是名斯陀含。」 「须菩提！于意云何？阿那含能作是念：『我得阿那含果』不？」 须菩提言：「不也，世尊！何以故？阿那含名为不来，而实无来，是故名阿那含。」 「须菩提！于意云何？阿罗汉能作是念：『我得阿罗汉道』不？」 须菩提言：「不也，世尊！何以故？实无有法名阿罗汉。世尊！若阿罗汉作是念：『我得阿罗汉道』，即为着我人众生寿者。世尊！佛说我得无诤三昧，人中最为第一，是第一离欲阿罗汉。我不作是念：『我是离欲阿罗汉』。 世尊！我若作是念：『我得阿罗汉道』，世尊则不说须菩提是乐阿兰那行者！以须菩提实无所行，而名须菩提是乐阿兰那行。」

表 6-2: (3 表) 己三明格量门分三

己三明格量门分三	庚一举外施格量分二	辛二释成格量优劣之意分二	壬二举大乘因果释格量之义分二	癸一举大乘因释成前义	佛告须菩提：「于意云何？如来昔在燃灯佛所，于法有所得不？」 「世尊！如来在燃灯佛所，于法实无所得。」 「须菩提！于意云何？菩萨庄严佛土不？」 「不也，世尊！何以故？庄严佛土者，则非庄严，是名庄严。」 「是故须菩提，诸菩萨摩诃萨应如是生清净心，不应住色生心，不应住声香味触法生心，应无所住而生其心。」
				癸二举大乘果释成前义	须菩提！譬如有人，身如须弥山王，于意云何？是身为大不？」 须菩提言：「甚大，世尊！何以故？佛说非身，是名大身。」 「须菩提！如恒河中所有沙数，如是沙等恒河，于意云何？是诸恒河沙宁为多不？」 须菩提言：「甚多，世尊！但诸恒河尚多无数，何况其沙！」 「须菩提！我今实言告汝：若有善男子、善女人，以七宝满尔所恒河沙数三千大千世界，以用布施，得福多不？」 须菩提言：「甚多，世尊！」 佛告须菩提：「若善男子、善女人，于此经中，乃至受持四句偈等，为他人说，而此福德胜前福德。」 复次，须菩提！随说是经，乃至四句偈等，当知此处，一切世间、天、人、阿修罗，皆应供养，如佛塔庙，何况有人尽能受持读诵。 须菩提！当知是人成就最上第一希有之法，若是经典所在之处，则为有佛，若尊重弟子。」 尔时，须菩提白佛言：「世尊！当何名此经？我等云何奉持？」 佛告须菩提：「是经名为《金刚般若波罗蜜》，以是名字，汝当奉持。所以者何？」 须菩提！佛说般若波罗蜜，则非般若波罗蜜。 须菩提！于意云何？如来有所说法不？」 须菩提白佛言：「世尊！如来无所说。」 「须菩提！于意云何？三千大千世界所有微尘是为多不？」 须菩提言：「甚多，世尊！」 「须菩提！诸微尘，如来说非微尘，是名微尘。如来说：世界，非世界，是名世界。」 「须菩提！于意云何？可以三十二相见如来不？」 「不也，世尊！何以故？如来说：三十二相，即是非相，是名三十二相。」
庚二举内施格量分二	辛二领解释疑分二	壬一领解分二	辛一正明格		「须菩提！若有善男子、善女人，以恒河沙等身命布施；若复有人，于此经中，乃至受持四句偈等，为他人说，其福甚多！」
			癸一领解分四	子一自领解	尔时，须菩提闻说是经，深解义趣，涕泪悲泣，而白佛言：「希有，世尊！佛说如是甚深经典，我从昔来所得慧眼，未曾得闻如是之经。」
				子二明他领解	世尊！若复有人得闻是经，信心清净，则生实相，当知是人，成就第一希有功德。 世尊！是实相者，则是非相，是故如来说名实相。
				子三明自领解为易	世尊！我今得闻如是经典，信解受持不足为难。
				子四明他领解为难	若当来世，后五百岁，其有众生，得闻是经，信解受持，是人则为第一希有。何以故？ 此人无我相、人相、众生相、寿者相。所以者何？ 我相即是非相，人相、众生相、寿者相即是非相。何以故？ 离一切诸相，则名诸佛。」
癸二佛述成		佛告须菩提：「如是！如是！若复有人，得闻是经，不惊、不怖、不畏，当知是人甚为希有。何以故？ 须菩提！如来说：第一波罗蜜，非第一波罗蜜，是名第一波罗蜜。」			

表 6-3：（3 表）己三明格量门分三

己三明格量门分三	庚二举内施格量分二	辛二领解释疑分二	壬二释疑	<p>须菩提！忍辱波罗蜜，如来说非忍辱波罗蜜。何以故？</p> <p>须菩提！如我昔为歌利王割截身体，我于尔时，无我相、无人相、无众生相、无寿者相。何以故？</p> <p>我于往昔节节支解时，若有我相、人相、众生相、寿者相，应生瞋恨。</p> <p>须菩提！又念过去于五百世作忍辱仙人，于尔所世，无我相、无人相、无众生相、无寿者相。</p> <p>是故须菩提！菩萨应离一切相，发阿耨多罗三藐三菩提心，不应住色生心，不应住声香味触法生心，应生无所住心。</p> <p>若心有住，则为非住。</p> <p>是故佛说：菩萨心不应住色布施。</p> <p>须菩提！菩萨为利益一切众生，应如是布施。</p> <p>如来说：一切诸相，即是非相。</p> <p>又说：一切众生，则非众生。</p> <p>须菩提！如来是真语者、实语者、如语者、不诳语者、不异语者。</p> <p>须菩提！如来所得法，此法无实无虚。</p> <p>须菩提！若菩萨心住于法而行布施，如人入暗，则无所见；</p> <p>若菩萨心不住法而行布施，如人有目，日光明照，见种种色。</p> <p>须菩提！当来之世，若有善男子、善女人，能于此经受持读诵，则为如来以佛智慧，悉知是人，悉见是人，皆得成就无量无边功德。</p> <p>「须菩提！若有善男子、善女人，初日分以恒河沙等身布施，中日分复以恒河沙等身布施，后日分亦以恒河沙等身布施，如是无量百千万亿劫以身布施；</p> <p>若复有人，闻此经典，信心不逆，其福胜彼，何况书写、受持、读诵、为人解说。</p> <p>须菩提！以要言之，是经有不可思议、不可称量、无边功德。</p> <p>如来为发大乘者说，为发最上乘者说。</p> <p>若有人能受持读诵，广为人说，如来悉知是人，悉见是人，皆成就不可量、不可称、无有边、不可思议功德，如是人等，则为荷担如来阿耨多罗三藐三菩提。何以故？</p> <p>须菩提！若乐小法者，着我见、人见、众生见、寿者见，则于此经，不能听受读诵、为人解说。</p> <p>须菩提！在在处处，若有此经，一切世间、天、人、阿修罗，所应供养；当知此处，则为是塔，皆应恭敬，作礼围遶，以诸华香而散其处。</p> <p>「复次，须菩提！善男子、善女人，受持读诵此经，若为人轻贱，是人先世罪业，应堕恶道，以今世人轻贱故，先世罪业则为消灭，当得阿耨多罗三藐三菩提。</p>
	庚三举释迦往因格量			<p>须菩提！我念过去无量阿僧祇劫，于然灯佛前，得值八百四千万亿那由他诸佛，悉皆供养承事，无空过者；</p> <p>若复有人，于后末世，能受持读诵此经，所得功德，于我所供养诸佛功德，百分不及一，千万亿分、乃至算数譬喻所不能及。</p> <p>须菩提！若善男子、善女人，于后末世，有受持读诵此经，所得功德，我若具说者，或有人闻，心则狂乱，狐疑不信。</p> <p>须菩提！当知是经义不可思议，果报亦不可思议。」</p>

表 7-1：（3 表）丙二二周略说般若分十五章

科判		经文
丙二二周略说般若分十五章	丁一初章	<p>尔时，须菩提白佛言：「世尊！善男子、善女人，发阿耨多罗三藐三菩提心，云何应住？云何降伏其心？」</p> <p>佛告须菩提：「善男子、善女人，发阿耨多罗三藐三菩提者，当生如是心，我应灭度一切众生。灭度一切众生已，而无有一众生实灭度者。何以故？若菩萨有我相、人相、众生相、寿者相，则非菩萨。</p> <p>所以者何？须菩提！实无有法发阿耨多罗三藐三菩提者。」</p>

表 7-2：（3 表）丙二二周略说般若分十五章

丙二二周略说般若分十五章	丁二第二章	<p>「须菩提！于意云何？如来于然灯佛所，有法得阿耨多罗三藐三菩提不？」</p> <p>「不也，世尊！如我解佛所说义，佛于然灯佛所，无有法得阿耨多罗三藐三菩提。」</p> <p>佛言：「如是，如是。须菩提！实无有法如来得阿耨多罗三藐三菩提。</p> <p>须菩提！若有法如来得阿耨多罗三藐三菩提，然灯佛则不与我授记：『汝于来世，当得作佛，号释迦牟尼。』</p> <p>以实无有法得阿耨多罗三藐三菩提，是故然灯佛与我授记，作是言：『汝于来世，当得作佛，号释迦牟尼。』何以故？如来者，即诸法如义。</p> <p>若有人言：如来得阿耨多罗三藐三菩提。</p> <p>须菩提！实无有法，佛得阿耨多罗三藐三菩提。</p> <p>须菩提！如来所得阿耨多罗三藐三菩提，于是中无实无虚。</p> <p>是故如来说：一切法皆是佛法。</p> <p>须菩提！所言一切法者，即非一切法，是故名一切法。」</p>
	丁三第三章	<p>须菩提！譬如人身长大。」</p> <p>须菩提言：「世尊！如来说：人身长大，则为非大身，是名大身。」</p>
	丁四第四章	<p>「须菩提！菩萨亦如是。若作是言：『我当灭度无量众生』，则不名菩萨。</p> <p>何以故？须菩提！无有法名为菩萨。</p> <p>是故佛说：一切法无我、无人、无众生、无寿者。</p> <p>须菩提！若菩萨作是言：『我当庄严佛土』，是不名菩萨。何以故？</p> <p>如来说：庄严佛土者，即非庄严，是名庄严。</p> <p>须菩提！若菩萨通达无我、法者，如来说名真是菩萨。」</p>
	丁五第五章	<p>「须菩提！于意云何？如来有肉眼不？」「如是，世尊！如来有肉眼。」</p> <p>「须菩提！于意云何？如来有天眼不？」「如是，世尊！如来有天眼。」</p> <p>「须菩提！于意云何？如来有慧眼不？」「如是，世尊！如来有慧眼。」</p> <p>「须菩提！于意云何？如来有法眼不？」「如是，世尊！如来有法眼。」</p> <p>「须菩提！于意云何？如来有佛眼不？」「如是，世尊！如来有佛眼。」</p> <p>「须菩提！于意云何？恒河中所有沙，佛说是沙不？」</p> <p>「如是，世尊！如来说是沙。」</p> <p>「须菩提！于意云何？如一恒河中所有沙，有如是等恒河，是诸恒河所有沙数，佛世界如是，宁为多不？」</p> <p>「甚多，世尊！」</p> <p>佛告须菩提：「尔所国土中，所有众生，若干种心，如来悉知。何以故？如来说：诸心皆为非心，是名为心。所以者何？</p> <p>须菩提！过去心不可得，现在心不可得，未来心不可得。</p> <p>「须菩提！于意云何？</p> <p>若有人满三千大千世界七宝以用布施，是人以是因缘，得福多不？」</p> <p>「如是，世尊！此人以是因缘，得福甚多。」</p> <p>「须菩提！若福德有实，如来说得福德多；</p> <p>以福德无故，如来说得福德多。」</p>
	丁六第六章	<p>「须菩提！于意云何？佛可以具足色身见不？」</p> <p>「不也，世尊！如来不应以色身见。何以故？</p> <p>如来说：具足色身，即非具足色身，是名具足色身。」</p> <p>「须菩提！于意云何？如来可以具足诸相见不？」</p> <p>「不也，世尊！如来不应以具足诸相见。</p> <p>何以故？如来说：诸相具足，即非具足，是名诸相具足。」</p>
	丁七第七章	<p>「须菩提！汝勿谓如来作是念：『我当有所说法。』莫作是念，何以故？</p> <p>若人言：如来有所说法，即为谤佛，不能解我所说故。</p> <p>须菩提！说法者，无法可说，是名说法。」</p> <p>尔时，慧命须菩提白佛言：</p> <p>「世尊！颇有众生，于未来世，闻说是法，生信心不？」</p> <p>佛言：「须菩提！彼非众生，非不众生。</p> <p>何以故？须菩提！众生众生者，如来说非众生，是名众生。」</p>

表 7-3: (3 表) 丙二二周略说般若分十五章

丙二二周略说般若分十五章	丁八第八章	<p>须菩提白佛言:「世尊! 佛得阿耨多罗三藐三菩提, 为无所得耶?」</p> <p>「如是, 如是。须菩提! 我于阿耨多罗三藐三菩提乃至无有少法可得, 是名阿耨多罗三藐三菩提。</p> <p>复次, 须菩提! 是法平等, 无有高下, 是名阿耨多罗三藐三菩提; 以无我、无人、无众生、无寿者, 修一切善法, 则得阿耨多罗三藐三菩提。须菩提! 所言善法者, 如来说非善法, 是名善法。</p>
	丁九第九章	<p>「须菩提! 若三千大千世界中所有诸须弥山王, 如是等七宝聚, 有人持用布施; 若人以此《般若波罗蜜经》, 乃至四句偈等, 受持、为他人说, 于前福德百分不及一, 百千万亿分, 乃至算数譬喻所不能及。</p>
	丁十第十章	<p>「须菩提! 于意云何? 汝等勿谓如来作是念:『我当度众生。』」</p> <p>须菩提! 莫作是念。何以故?</p> <p>实无有众生如来度者, 若有众生如来度者, 如来则有我人众生寿者。须菩提! 如来说:『有我者, 则非有我, 而凡夫之人以为有我。』</p> <p>须菩提! 凡夫者, 如来说则非凡夫。</p>
	丁十一第十一章	<p>「须菩提! 于意云何? 可以三十二相观如来不?」</p> <p>须菩提言:「如是! 如是! 以三十二相观如来。」</p> <p>佛言:「须菩提! 若以三十二相观如来者, 转轮圣王则是如来。」</p> <p>须菩提白佛言:「世尊! 如我解佛所说义, 不应以三十二相观如来。」</p> <p>尔时, 世尊而说偈言:</p> <p>「若以色见我, 以音声求我, 是人行邪道, 不能见如来。」</p>
	丁十二第十二章	<p>「须菩提! 汝若作是念:『如来不以具足相故, 得阿耨多罗三藐三菩提。』」</p> <p>须菩提! 莫作是念:『如来不以具足相故, 得阿耨多罗三藐三菩提。』</p> <p>须菩提! 汝若作是念, 发阿耨多罗三藐三菩提者, 说诸法断灭。莫作是念! 何以故? 发阿耨多罗三藐三菩提者, 于法不说断灭相。</p> <p>「须菩提! 若菩萨以满恒河沙等世界七宝布施; 若复有人知一切法无我, 得成于忍, 此菩萨胜前菩萨所得功德。须菩提! 以诸菩萨不受福德故。」</p> <p>须菩提白佛言:「世尊! 云何菩萨不受福德?」</p> <p>「须菩提! 菩萨所作福德, 不应贪着, 是故说不受福德。」</p>
	丁十三第十三章	<p>「须菩提! 若有人言: 如来若来若去、若坐若卧, 是不解我所说义。何以故? 如来者, 无所从来, 亦无所去, 故名如来。」</p>
	丁十四第十四章	<p>「须菩提! 若善男子、善女人, 以三千大千世界碎为微尘, 于意云何? 是微尘众宁为多不?」</p> <p>「甚多, 世尊! 何以故? 若是微尘众实有者, 佛则不说是微尘众, 所以者何? 佛说: 微尘众, 则非微尘众, 是名微尘众。</p> <p>世尊! 如来所说三千大千世界, 则非世界, 是名世界。何以故?</p> <p>若世界实有, 则是一合相。如来说: 一合相, 则非一合相, 是名一合相。」</p> <p>「须菩提! 一合相者, 则是不可说, 但凡夫之人贪着其事。</p> <p>「须菩提! 若人言: 佛说我见、人见、众生见、寿者见。须菩提! 于意云何? 是人解我所说义不?」</p> <p>「世尊! 是不解如来所说义。何以故? 世尊说: 我见、人见、众生见、寿者见, 即非我见、人见、众生见、寿者见, 是名我见、人见、众生见、寿者见。」</p> <p>「须菩提! 发阿耨多罗三藐三菩提心者, 于一切法, 应如是知, 如是见, 如是信解, 不生法相。须菩提! 所言法相者, 如来说即非法相, 是名法相。」</p>
	丁十五第十五章	<p>「须菩提! 若有人以满无量阿僧祇世界七宝持用布施, 若有善男子、善女人, 发菩萨心者, 持于此经, 乃至四句偈等, 受持读诵, 为人演说, 其福胜彼。云何为人演说, 不取于相, 如如不动。何以故?</p> <p>一切有为法, 如梦幻泡影, 如露亦如电, 应作如是观。」</p>

表 8: (1 表) 乙三流通分

科判	经文
乙三流通分	佛说是经已, 长老须菩提及诸比丘、比丘尼、优婆塞、优婆夷、一切世间、天、人、阿修罗, 闻佛所说, 皆大欢喜, 信受奉行。